



UNIVERSITÄTS-  
BIBLIOTHEK  
PADERBORN

**Claudii Fleury, Presbyteri, Prioris Argenteliae Et Reg.  
Christianiss. A Confessionibus Institutiones Juris  
Ecclesiastici**

**Fleury, Claude**

**Moguntiae, 1760**


XVII. De foro episcoporum.

---

[urn:nbn:de:hbz:466:1-67899](#)

fuisse *alibi*. Item, si probat, crimen commis-  
sum non esse, ut quondam Athanasius Arse-  
nium vivum stitit, quem interfecisse fereba-  
tur<sup>1</sup>. Hic est generatim processus criminalis  
secundum usum Franciæ hodiernum: in quo  
tribunalia sacra & politica conspirant, dum  
easdem constitutiones sequuntur. Quem ta-  
men in compendio personis ecclesiasticis, qui-  
bus acta curiarum raro familiaria sunt, hic ex-  
hibere non piguit.

1) SOCRAT. l. I. c. 29. hist. eccl. l. II. n. 51.



### C A P. XVII.

#### DE FORO EPISCOPORUM.

##### I.

**C**AUSSAE criminales episcoporum, quæ antiquissimis canonibus maxime indignantur, & quæ plerasque regulas in probandis & puniendis criminibus peperere, difficiliores ac rariores redditæ sunt, ex quo falsas decretales usu recepimus. Novissima tempora sane paucissima exempla, in Francia præsertim, suppeditant episcoporum in jus vocatorum; unde parum exploratum, quomodo hoc judicium sit instruendum. Contra certum est, primis octo sæculis episcopos sæpe accusatos & in provincialibus conciliis examinatos, judicatos, condemnatos &, si opus, gradu dejectos fuisse; quæ conciliorum sententiæ executioni datae. Non desunt tamen exempla eorum, qui condemnati ad sedem Romanam provocarunt, præ-

Aa 5

sertim si alium superiorem non agnoscerent, veluti patriarchæ. Canon antiquissimus, qui episcopos ad papam provocare permittit, habetur in concilio Sardicensi an. 347.<sup>1</sup> qui ita habet: *Si quis episcopus concilio provinciali depositus ad praesulem Romanum adpellat, isque caussam denuo excludendam esse judicat; rescribet ad vicinæ provinciæ episcopos, ut ipsi judicent.* Et si episcopus depositus a Romano praesule flagitat, ut presbyterum ad se mittat, poterit hic mittere commissarios, qui ejus nomine judicent cum episcopis<sup>2</sup>. Utrum canon ille unquam usu receptus fuerit, in utramque partem disputant. In praxi sane insecuta tempora a prioribus nihil diversi ostendunt usque ad saeculum V. medium & ad Leonem papam. Papa, quia caput ecclesiæ de jure divino, semper fuit episcopus episcoporum, quos corripere potuit, si quid contra disciplinam peccarent, praesertim si nulla idonea caussa fratres suos condemnarent. Sed inde non infertur, sedem Romanam instar ordinarii & conciliis provincialibus superioris tribunalis habuisse, querelasque eo delatas fuisse appellations vel instantiam secundam, quum fuerint remedia extraordinaria adversus vexationes in caussis ad universam ecclesiam pertinentibus, qualis fuit Athanasii, Chrysostomi, Flaviani Constantiopolitanii.

1) c. 7.

2) *bist. eccl. l. 12. n. 33.*

poë, papa  
per falsas  
decretales

II. SED falsæ decretales inde a saeculo IX. receptæ omnem disciplinam adulterarunt. Si has audies; non nisi a certis personis

accusandi, non nisi *a papa*, etiam in prima instantia, judicandi sunt episcopi, adhibita legum solemnitate. Concilium provinciale quidem causam instruere ac preparare poterit; sententia tamen papæ reservata<sup>1</sup>. Quum autem fieri non posset, ut omnes episcoporum causæ Romæ disceptarentur, placuit distinguere inter causas *minores* & *majores*, quæ ad depositionem tendunt, quæve papæ erant reservatæ<sup>2</sup>. Jam vero generatim omnes causas *majores*, quosum canonum interpretes declara- quide causis ma-  
tionem credendorum; convocationem con- joribus cognoscit  
ciliū universalis; approbationem conciliorum etiam in  
& scriptorum aliorum doctorum; divisionem, prima in-  
unionem & translationem episcopatum; ex- stantia.  
emptionem episcoporum & abbatum a jurisdictione ordinarii, translationem, destitutionem,  
restitutionem episcoporum; absolutamque &  
inappellabilem judicandi facultatem referunt;  
soli papæ in prima instantia vindicant<sup>3</sup>.

1) C. 3. q. 2. c. 3. q. 6. c. 9. q. 3. c. 6.

2) C. 1. 2. 3. X. de transl.

3) *Gloss in c. 8 X. de excess. prælat.* C. 24. q. 1. c. quoties D. 17. c. 1. 2. D. 16. c. sancta. C. 16. q. 1. c. 7. c. 16. &c.

III. PRAGMATICA<sup>1</sup> consentit, ut quod caussæ majores, quæ in jure enumerantur, Romam remittantur, & fatetur, esse personas, quarum depositio soli papæ competit, quæve, si depositionem mereri videantur, Romam cum actis remittendæ sint. Concinit concilium Tridentinum, quod<sup>2</sup> prohibet, ne episcopus, nisi in caussa, in quam depositio vel privatio statuta, vadetur, neve testes adversus eum au-

confirmat  
concil.  
Trident.

diantur, nisi sint contextuales & notoriæ probitatis: ne quis præter papam de his cauſſis cognoscere audeat, qui, si placet, delegare potest Metropolitanum vel certos episcopos, mandato sua manu signato instruendos, quibus tamen nuda cognitio; pontifici autem *sententia definitiva* competit. Ast minores cauſſas episcoporum criminales in concilio provinciali vel coram ejus deputatis disceptari permittit<sup>3</sup>.

1) *de concubin. in f. concord. tit. 32.*


2) *sess. 13. c. 6.7.*      3) *sess. 24. c. 5.*

sed Fran-  
ci recla-  
mant

exempla  
episcopo-  
rum in  
Francia  
judicato-  
rum.

IV. IN Francia jure veteri vivimus, quo episcopus in solo concilio provinciali; cui si XII. episcopi non intersunt, vicini ad numerum concurrentem adhibendi, judicantur, salva appellatione ad pontificem, duce canone Sardicensi 7. Nam concilii Tridentini decreto Clerus Francicus statim reclamavit. Quum an. 1632. Renatus, Legionis in Armorico episcopus, qui cum regina Maria Medicea in Belgium aufugit, regni habuens moderante Richelio cardinale, perduellionis accusaretur; Urbanus VIII. archiepiscopum Arelatensem, Bononiæque & San. Florensem ac Macloviensem episcopos judices delegavit, qui sententiam definitivam pronunciarunt, reum episcopatu privarunt, eique maximas eleemosynas injunxerunt. Sed an. 1645. quum Anna Austriaca regnum administraret, clerus ea de re scripsit ad pontificem Innocentium X. qui septem alios episcopos delegavit ad cognoscendum de appellatione interposita; atque hi,

sententia priore infirmata, Legionis episcopum restituerunt. Clerus an. 1650. iterum congregatus, hujusmodi attentatis obviam iturus, d. 23. Nov. Nuntio apostolico significavit protestationem adversus Breve Urbani VIII. ne Franciæ episcopis fraudi sit in posterum, causasque episcoporum majores in concilio provinciali, cui vicini episcopi ad numerum concurrentem adhibendi, judicandas esse, salva appellatione ad papam. Immunitas episcoporum 1654. novæ procellæ exponitur, dum senatus Parisiensis a rege jnbetur cognoscere de caussa cardinalis de Retz, archiepiscopi Parisiini, criminis læsæ majestatis accusati, quod eum privilegio indignum reddere videbatur. Sed quum clerus contra niteretur, episcoposque non nisi in concilio episcoporum judicandos demonstraret; delegatione revocata, rex d. 26. April. 1657. publico edicto constituit, ut episcoporum caussæ ex præscripto sanctorum decretorum a judicibus ecclesiasticis definirentur.



C A P. XVIII.

DE POENIS CANONICIS.

I.

**R**E LIQUUM est, ut de *pænis*, quas *judex* pœnas ecclesiasticus infligere potest, loquamur, spiritua- les quæ- nam? quæ vel mere *spirituales* sunt, ut depositio & excommunicatio; vel aliquid sæculare involvunt, ut condemnatio ad eleemosynas, fusti-